

## **Ilitsersuut**

### **- Kalaallit Nunaata avataani ilinniagaqarnersiutit/immikkut pisartakkat pillugit qinnuteqarnermi immersugassamut**

”Kalaallit Nunaata avataani ilinniagaqarnersiutit/immikkut pisartakkat pillugit qinnuteqarnermi immersugassap” immersorneqarnissaanut ilitsersuut una iluaqutaassaaq. Ilitsersuutip immersugassaq malippaa aamma immikkoortunut, illit immikkut arajutsinaveersaagassannut, imaluunniit uppernarsaammik ilanngussisoqarnissaanik piunasaqaateqarfiusunut ikiuutaassalluni. Annertunerusumik apeqqutisaqaruit Kalaallit Illuini siunnersortinit imaluunniit kommunini ilinniartitaanermut/Piareersarfimmi siunnersortinit ikiorneqarsinnaavutit.

Ilinniartissanik marlunnik qinnuteqarsinnaavutit. Kalaallit Nunaanni aamma avataani ilinniartissanut qinnuteqaruit qinnuteqarnermi immersugassat assigiinngitsut marluk immersussavatit. Kalaallit Nunaani ilinniartitaaneq aamma ilinniagaqarnersiutit pillugit qinnuteqarnermi immersugassaq aamma Kalaallit Nunaata avataani ilinniartitaanernut ilinniagaqarnersiutit pillugit qinnuteqarnermi immersugassaq. Eqqaamajuttaaq Kalaallit Nunaata avataani ilinniartissanut qinnuteqarnermi immersugassaq [www.optagelse.dk](http://www.optagelse.dk)-miittoq immersussagakku.

Qinnuteqaammut ilanngunneqassapput soraarummeernermut, misilitsinnermut aamma ingerlassimasanut immersugassami allanneqarsimasunut uppernarsaatit. Piffissaq qinnuteqarfissaq sioqqullugu pappiaqqat uppernarsaatissat pisariaqartinneqartut pissarsiarinissaat angumerisinnaangikkukku taakku kingusinnerusukkut nassiunneqarnissaat pillugu nalunaaruteqartumik allakkanik ilanngussisinnaavutit. Maluginiassavat uppernarsaat piunasaquineqartoq pigineqalerpat aatsaat ilinniagaqarnersiutit pillugit qinnuteqaatit naammassillugu suliarineqassammat.

*Uppernarsaatit tamatigit assilineri ilanngunneqartassapput. Uppernarsaativik nassiutinngisaannaruk. Assilisat tamarmik teqequanni talerpillermi CPR-normut allaguk.*

Ilinniagaqarnersiutit/immikkut pisartagaqarneq pillugu qinnuteqaat uppernarsaatit ilanngullugit sumiiffimmi ilinniartissasamiittumut Kalaallit Illuinut nassiutissavat.

#### **1. Inuttut paasissutissat**

Atitit tamakkerlugit allakkit, aamma atit taaguutaanngitsut tamaasa.

Inuttut paasissutissanit allagaq, [www.CPR.dk](http://www.CPR.dk) –mi nem-id atorlugu iserfigisinnaasannit naqitanngortissinnaasat ilanngutissavat.

Kommuni najugarisaq tassaavoq illit ilinniakkami imaluunniit illit ilinniarnermik ingerlatavit aallartinnera sioqqullugu kommuni najugarisimasat.

#### **6. Naalagaaffik innuttaaffigisaq**

Ilinniagaqarnersiutinik pisartagaqarniaruit danskisut innuttaassaatit. Kalaallit ingerlaannartumik danskisut innuttaasuupput.

Danskisut innuttaaffeqanngikkuit maleruagassamik tassanngaanniit immikkut akuerineqarnissamut qinnuteqarsinnaavutit. Kalaallit Nunaannut immikkut ilaqutariinnikkut atassuteqarnissamut piunasaqaammitt immikkut akuerineqarsinnaavutit, imaluunniit Kalaallit

Nunaannut sunniteqartunik nunani tamalaani isumaqatigiissutit malillugit danskitut innut-taaffeqartut assigalugit ilinniagaqarnersiutininik pisinnaatitaaffeqarputit.

Inuttut qinnuteqaat aamma immikkut akuerineqarnissamik qinnuteqaruit Kalaallit Nunaanni atassuteqarnerit pillugu uppersaat ilanngutissavat.

Ilinniagaqarnersiutit pillugu nalunaarut nr. 21, 13. december 2012-meersumi aalajangersak-kat erseqqinnerusumik takukkit.

### **7. Atassuteqarneq**

Ilinniagaqarnersiutininik pisartagaqarsinnaavutit

- Kalaallit Nunaanni najugaqaruit aamma tassani sivikinnerpaamik ukiuni tallimani najugaqar-simaguit imaluunniit

- ukiuni ikinnerpaamik qulini Kalaallit Nunaanni najugaqarsimaguit 18-inillu ukioqalernerpit kingorna Kalaallit Nunaata avataani sivilunerpaamik ukiuni pingasuni najugaqarsimaguit.

Kalaallit Nunaata avataani najugaqarneq, taamaallaat ilinniarnermut imaluunniit kalaallit nunaanni oqartussat peqataaffigisimasaat ikiuisarnermut tunngasunik peqquteqartoq, ilaatinneqanngilaq.

Ilinniagaqarnersiutit pillugu nalunaarut nr. 21, 13. december 2012-meersumi aalajangersak-kat erseqqinnerusumik takukkit.

### **8. Ilinniarnissamut kissaatigisat aamma tiguneqarneq**

Ilinniarnissamut kissaatigisat (kissaatigisat) taaguutaa eqqortoq allaguk. Taaguut eqqortoq uani nassaarisinnaavat: [www.sunngu.gl](http://www.sunngu.gl) imaluunniit [www.ug.dk](http://www.ug.dk).

1. 2013-miit atuutilersumik qinnuteqaatit tamarmik Danmarkimi ilinniartitaanerni ingerlaq-qiffiusuni qinnutigineqartut [www.optagelse.dk](http://www.optagelse.dk) aqutigalugu tiguneqarnissamik qinnutigine-qassapput. Tamanna aamma "immikkut aqqissuussinikkut" tiguneqarnissamik qinnuteqar-tunut atuuppoq.

Qinnuteqartut [www.sunngu.gl](http://www.sunngu.gl) –imi imaluunniit [www.optagelse.dk](http://www.optagelse.dk) –mi allaaserineqartut ilitseruutit maleqqissaassavaat.

2. Immikkut aqqissuussinikkut tiguneqarneq pisinnaavoq agguaqatigiissillugu 6-imik karak-teereqaruit allatigullu atuartitsissutit killiffiinut aalajangersimasunut ilinniartitaanermi piomasqaatinik naammassinnikkuit. Maluginiassavat ilinniartitaanerit ilai immikkut aq-qissuussinermut ilaanngimmata. Immikkut aqqissuussineq pillugu paasissutissat anner-tunerusut uani takusinnaavatit:

<http://www.sunngu.gl/vejledning/uddannelse-i-danmark/ansoegning/saerordningen-2013-ansogningsfrist-15-marts>

Nalornissuteqaruit annertunerusumik uani atuarit [www.sunngu.gl](http://www.sunngu.gl) imaluunniit Kalaallit Illuini siunnersorti atassuteqarfigalugu.

## **10. Timersortartut pikkorivissut – timersornikkut pikkorissusilik**

Timersortartutut pikkorivissutut qinnuteqarsinnaavutit, illit Elite Sport Greenland peqatigalugu Namminersorlutik Oqartussat akuerisaannik ilinniartitaanerup ingerlanerani katiterisimaguit. Aamma Namminersorlutik Oqartussat nalunaarutaat nr. 21, 13. december 2012-meersumi § 4, § 9, § 11, imm. 3, § 24 aamma § 27 takukkit.

## **11. Ilinniartitaanerit unitsitat**

Ilinniarnissamut piareersarfiusumik imaluunniit inuussutissarsiutinut ilinniartitaanermik qinnuteqaruit taamaallaat akissuteqarfigissavat.

Ukiut kingullit tallimat iluanni inuussutissarsiutinut ilinniartitaanernik ataatsimik amerlanerusunik unitsitsisimaguit inuussutissarsiutinut ilinniartitaanermut sulit allamut ilinniagaqarnerisutini/immikkut pisartagaqarnissamut pissarsisinnaangilatit. Taamaattorli pissutsit immikkoortut pineqarpata immikkut akuerineqarnissamut qinnuteqarsinnaavutit.

Ilinniangikkallarneq, meerartaarnermi ilinniangikkallarneq imaluunniit uppersarneqartumik napparsimaneq unitsitsinertut ilaanngilat.

Ilinniagaqarnerisutit pillugu nalunaarut nr. 21, 13. december 2012-meersumi § 18 aamma takujuk.

## **12. Ilinniarnerit naammassisimasat**

Ilinniarnissamut piareersarfiusumik imaluunniit inuussutissarsiutinut ilinniartitaanermik qinnuteqaruit taamaallaat akissuteqarfigissavat.

Ilinniagaqarsimasutut qaffasissusilimmik inuussutissarsiutinut ilinniarnermik naammassineqarsimasumut amerlanerpaamik ataatsimut ilinniagaqarnerisutini tunniussisoqartarpoq. Taamaattorli immikkut akuerineqarnissamut qinnuteqarnissamut periarfissaqarpoq, aamma qinnuteqarnermut tunngavilersuummik imaqtartumik inuttut qinnuteqaatit ilanngutissallugu.

Ilinniagaqarnerisutit pillugu nalunaarut nr. 21, 13. december 2012-meersumi § 17 aamma takujuk.

## **13. Meeqqanut tapit**

Namminersorlutik Oqartussaniit ilinniagaqarnerisutini pisartagaqaraanni taamaallaat immersorneqartussa. Danmarkimi SU-mik pisartagaqartunut SU-mi maleruagassanut inner-suussisoqarpoq.

Meeqqamut/meeqqanut meeqqanut tapinik qinnutiginnissutigineqartunut pilersuisuugaanni ilinniartitaanerup nalaani meeqqanut tapinik pissarsisoqarsinnaavoq.

**A)** Meeraq/meeqqat meeqqanut tapinik qinnutiginnissutigineqartunut najugaqatigukkit, ilanngussavat:

- Sumi najugaqarnermut uppersaasat, meeqqamik/meeqqanik najugaqateqarnermik takutitsisoq.
- Meeqqanut ataasiakkaanut kuisinnermut imaluunniit inunngornermut allagartaq.

Ataataasunut katissimangitsunut aamma ataataasup atianik allassimasumik ataataassutsimik nalunaarut imaluunniit inunngornermut allagartaq ilanngunneqassaaq.

**B) Meeraq/meeqqat meeqqanut tapimik qinnutiginnissutigineqartut najugaqatiginngikkukkit ilanngutissavat:**

- Meeqqanut ataasiakkaanut kuisinnermut imaluunniit inunngornermut allagartaq.
- Ataataassutsimik nalunaarut.

**C) Meeqqamut/meeqqanut meeqqanut tapinik qinnutiginnissutigineqartumut taamaallaat pilersuisussaataitaaguit ilanngutissavat:**

- Akilersuinermit nalunaarut, pilersorneqartup aqqa allanneqarluni.

#### **14. Ilinniartitaanerup aallartinnerani angalaneq**

Immikkoortoq taanna taamaallaat immersorneqassaaq illoqarfimmi ilinniarfiusumi *najugaqanngikkuit*.

Uppernarsaatit pisariaqartut ilanngutissavatit:

- Sumi najugaqarnermut uppersarsaat
- Katinnermut uppersarsaat.

#### **15. Pigisat assartorneri**

Ilinniartitaanerup aallartinneranut atatillugu meeqqat angalanissaannut aningaasaliisoqarsimappat pigisat assartornerinut akiliisoqarsinnaavoq. *Taamaattorli Kalaallit Nunaata avataani aamma Danmarkimi ilinniartitaanernut pigisanik assartuinermit akiliisoqarneq ajorpoq, aamma meeqqat ilagineqaraluarpataluunniit.*

Aappat /inooqatit, aamma ilinniartussa, peqatigalugu angalaguit pigisanik assartuinermit akiliisoqarsinnaavoq, piffissaq ilinniarfiusussa arlassinnut minnerpaamik ataatsimut qaammatinik 20-nik siviluneruppat.

Pigisanik assartuineq containerip iluani 5,46 m<sup>3</sup>-mik annertussusilimmik imaluunniit 5,46 m<sup>3</sup>-mik annertussuseqartunik usinik tamalaanik assartuinerit akiliisoqartarpoq sillimmasiineq ilanngullugu, pigisat assartorneqartunut 100.000,- kr.-inut sillimmasiisoqarluni. Pingasunik amerlanerilluunniit meeraqaruit containerit marluk imaluunniit usinut tamalaanut katillugit 10,96 m<sup>3</sup>-mik annertussuseqartunut aningaasaliisoqassaaq.

#### **16. Pisortanit pisartakkat**

18-t sinnerlugit ukioqaruit immikkoortoq taamaallaat immersussavat.

Pensioninik imaluunniit allanik pisortanit pisartagaqaruit tamanna ilinniagaqarnerisutinik pisartagaqarsinnaanernut pingaaruteqarsinnaavoq. Pisortanit pisartagaqarsimaguit imaluunniit pisartagaqaruit uppersarsaat ilanngutissavat.

Meeqqanut aningaasat aamma atuarnermi aningaasat tassunga atatillugu "pisortanit pisartakkatut" isigineqanngillat.

## **17. Danmarkimi SU**

18-t sinnerlugit ukioqaruit immikkoortoq taamaallaat immersussavat.

Danmarkimi SU-mik pisartagaqarsimaguit imaluunniit pisartagaqaruit tamanna Kalaallit Nunaanni ilinniagaqarnersiutinik pisartagaqarsinnaanernut pingaaruteqarsinnaavoq. Ilinniartitaanernut ingerlaqqiffiusuni qiorsinernut qassinut pisinnaatitaaffeqarnernut pingaaruteqarpoq. SU-mik pisartagaqarsimaguit imaluunniit pisartagaqaruit uppersarsaat ilanngutissavat.

Danmarkimi ilinniartitaaneq qinnutigineqartoq SU-mik pisartagaqarfiusinnaappat nammineerlutit Danmarkimi SU-mik qinnuteqassaait, uani: [www.su.dk](http://www.su.dk).

Danmarkimi SU-mik pisartagaqaraanni Namminersorlutik Oqartussaniit qaammatikkaartumik ilinniagaqarnersiutinik pissarsisoqarsinnaangilaq, kisiannili Namminersorlutik Oqartussaniit immikkut pisartagaqarnissaq ajornarani.

## **19. Atsiorneq**

Allatit eqqortumik allasimallugit ilumoorluinnarlutit nalunaarnerit uppersarsapat. 18-t inorlugit ukioqaruit illit angajoqqaait imaluunniit nakkutiginnittut illit sinnerlutit atsiussapput.

### **Ilanngussat allattorneri**

Ilanngussat suut ilanngussimanerlugit allasaait. Qinnuteqarnermi immersugassaq elektroniskimik immersorsimagukku tassunga tunngasortaa ingerlaannartumik immersorsimasaaq.

### **Misissugassat Eqqaamavigit?**

- Ilinnut inooqatigisannullu atinut allagartaq/kuisinnermut allagartaq imaluunniit katissimamermut uppersarsaat
- Sumi najugaqarsimanermut uppersarsaat
- Soraarummeernermit uppersarsaat imaluunniit karakterit allattorsimaffiat aamma piukkunnassutsimik allagartaq
- Immikkut akuerineqarluni qinnuteqaat
- Ilinniarfimmuq qinnuteqaatip assilinera

### *Meeraqaruit aamma eqqaamassavat*

- Meeqqanut tamanut kuisinnermut imaluunniit inunngornermut allagartat
- Ataataassutsimik nalunaarut
- Akilersuinermit nalunaarut